

四庫全書

子部

欽定四庫全書

子部
農書卷二十一

詳校官中書_臣寶汝翼

編修_臣倉聖脈覆勘

膳錄監生_臣秦澧

繪圖膳錄監_臣華慶冠

欽定四庫全書

農書卷二十一

元 王禎 撰

農器圖譜十七

蠶桑門

夫蠶之用桑必有鉤筐等器以供其事然遠近之間習俗不通故其制度巧拙絕異彼有併力而不及此或一工而兼倍今特采輯去短從長使知所擇夫桑具蠶之用也故次於蠶事之後

桑儿

金瓶梅词话

卷二十一



桑几狀如高撓平穿二枕就作登級凡柔桑不勝梯附
須登几上乃易得葉齊民要術云採桑必須高几士農
必用云擔負高几遶樹上下今蠶家採彼女桑茲為便
器梅聖俞詩云柔桑不倚梯摘葉賴高几每於得葉易
曾靡憂枝披上躋陞類拾級下上異緣蟻閑置草舍傍
雞鳴或棲止

桑梯



桑梯說文曰梯木階也夫桑之穉者用几採摘其桑之

高者須梯剥

母全切削去也

斫梯若不長未免攀附旁條不還



則鳩脚多亂膠

居秋切

枝折垂則乳液旁出必欲趁於高

下隨意去留須梯長可也齊民要術云採桑必須長梯
梯不長則高枝折正謂此也詩云貫木取諸漸為梯利
用晉附彼墻下桑如躡平地迅女枝既不攀遠揚亦可
及何當展所施摘蓮華峯峻

斫斧桑鉤



斫斧桑斧也其斧登

曲容切

區而刃闊與樵斧不同詩謂

蠶月條桑取彼斧斫以伐遠揚士農必用云轉身運斧
條葉偃落於外即謂以伐遠揚也凡斧所剥斫不煩再
及者為上至遇枯枝勁節不能拒遏又為上如剛而不
闕利而不乏尤為上也然用斧有法必須轉腕回及向
上斫之枝查既順津脉不出則葉必復茂故農語云斧
頭自有一倍葉以此知科斫之利勝惟在夫善用斧之
效也梅聖俞詩云科桑持野斧乳濕新磨刃繁耕一以

除肥條更豐潤魯葉大如掌吳蠶食若駿始時人謂斯
利俗今乃信 桑鉤採桑具也凡桑者欲得遠揚枝葉

引近就摘故用鉤木以代臂指扳


普班切

援之勞昔后妃

世婦以下親蠶皆用筐鉤採桑唐肅宗上元初獲定國
寶十三內有採桑鉤一以此知古之採桑皆用鉤也然
北俗伐桑而少採南人採桑而少伐歲歲伐之則樹脉
易衰久久採之則枝條多結欲南北隨宜採斫互用則
桑斧桑鉤各有所施故兩及之不致偏廢梅聖俞詩云

長鉤扳桑枝短鉤挂桑籠南陌露氣寒東方日光動少
婦首且笄幼女角已總競用採葉歸曾非事梳櫛

桑籠



桑籠集韻云籠大篝

古侯切

也今謂有係筐也桑者便於

携挈古樂府云羅敷善採桑

案今本作羅敷善蠶桑

採桑城南隅

方言叶韵

青絲為籠繩

案今本作青絲為籠係

桂枝為籠鉤今南方桑


籠頗大以擔負之尤便於用梅聖俞詩云采采向桑郊
盈盈自持筥桂鉤帶月往穉葉和煙貯一心恐蠶饑搔
首促儔侶到家傾嫩綠刀几為咬咀

桑網



桑網盛葉繩兜也先作圈木緣圈繩結網眼圓垂三尺
有餘下用一繩紀為網底桑者挈之納葉於內網腹既
滿歸則解底繩傾之或人挑負或用畜力馱送比之筐
籃甚為輕便北方蠶家多置之詩云厥初結網功豈知
兼水陸制用有異同隨宜可伸縮一網作領圈衆目寬
寬腹蠶家急葉時歸來傾萬綠

劊刀切刀



剗士咸切刀剗桑刃也刀長尺餘闊約二寸木柄一握南

人所桑剗桑俱用此刃北人所桑用斧剗桑用鐮鐮刃

雖利終非本器不若剗刀之輕且順也若南人所桑用

斧北人剗葉用刀去短就長兩為便也詩云晶瑩一尺

鐵煨以赫連鋼剗所有餘用功竄在蠶桑膠附日以戕

新枝日以長胡為幽人歌獨取斧與斨切刀斷桑刃

也蠶蟻時用小刀蠶漸大時用大刀或用漫鋤蠶多者

又用兩端有柄長刃切之名曰懶刀

懶刀如皮匠刮刀長三尺許兩端有

短木柄以手按刀半裁半
切斷葉雲積可供十筐

先於長橈上鋪葉勻厚人於

其上俯按此刀左右切之一刃之利可桑百箔詩云煨

金作懶刀形制半圭璧一食飫十筐雙秘便兩搯切之

復裁之斷桑如雲積刀作十握絲功成在三尺

鋤查鎔
切泰云

切草也
又作削

桑碁

決定日事

農書

九



桑碓爾雅曰碓謂之椓

音度

郭璞曰碓木礪也碓從石椓

從木即木碓也碓截木為碓圓形豎理切物乃不拒刃

此北方蠶小時用刀切葉碓上或用几或用夾南方蠶


無大小切桑俱用碓也詩云團團几上碓尋常閑月魄

蠶月切桑桑纖纖雲縷積飼養槃筐多收去淨無跡不

必在庖厨鼓刀刀聲剗

案原本剗訛作剗謹改正

桑夾




桑夾挾桑具也用木礪上仰置又股高可二三尺於上順置鋤刃左手茹葉右手按刃切之此夾之小者若蠶多之家乃用長椽二並駢豎壁前中寬尺許乃實納桑葉高可及丈人則躡梯上之兩足後踏屋壁以胸前向壓住兩手緊按長刃向下载切此桑夾之大者南方切桑唯用刀礪不識此等桑具故特歷說之以廣其利詩云沃葉綠雲多吐出掌握內刃頭風雨聲紛然落呀啄材良用有餘力小功輒倍春蠶食急時簾筐誠有待

農器圖譜十八

織紵門

織紵婦人所親之事傳曰一女不織民有寒者古謂庶士以下各衣去聲其夫秋而成事烝而獻功憊則有辟是也凡紡絡經緯之有數梭維機杼之有法雖一絲之緒一綜之交各有倫叙皆須積勤而得累功而至日夜精思不致差互然後乃成幅匹如閨閭之屬務之不惟防閑驕逸又使知其服被之所自不敢易也

絲篋



絲篲

玉縛切

絡絲具也方言曰援

音爰

充豫河濟之間謂之

轅

郭璞注云所以絡絲

說文曰篲收絲者也或作𦉑從角間聲今

字從竹又從𦉑竹器從人執之𦉑𦉑然此篲之義也然
必竅貫以軸乃適於用為理絲之先具也耕織圖詩云
兒夫督機絲輸官趁時節向來催租瘢正為坐踰越獨
來掉篲勤寧復辭腕脫辛勤夜未眠敗屋燈明滅

經架



經架牽絲具也先排絲簾於下上架橫竹列環以引衆

緒總於架前經簾

與牌同

一人往來挽而歸之紉軸然後

授之機杼前人織圖詩云素絲頭緒多羨君巧安排青


鞵

胡街切

不動塵緩步交去來脉脉意欲亂眷眷首重回

王言正如絲亦付經綸才

緯車



緯

也織絲

車方言曰趙魏之間謂之歷鹿車東齊海岱之

間謂之道軌今又謂維

音

車通俗文曰織織謂之維

內蘇

切受緯曰苴其拊上立柱置輪輪之上近以鐵條中貫

細筒乃周輪與筒繚環繩右手掉輪則筒隨輪轉左手

引絲上筒遂成絲維以充織緯孫德施賦云惟工藝之

多門偉英麗乎創形擬老氏之一轂今應天運以回行


秉轉屈以成規今不辭勞以自傾故其用同造物巧參

天地軒轅垂衣因其以濟袞冕龍旂用康上帝勲存王

室惠我阜隸觀其微風興於軸端霧雨散於輶輻制以
靈木絡以奇竹規朝日以為圓今準暈月以造象若洪
輪之在碓兮似蜘蛛之結網爾乃才藝妻妾工巧是嘉
或織錦組或匠綾羅一作紗舒皓腕於輕輪兮換擬景乎
鏡華絲成妙於指端清瀨幽而相和象蟋蟀之鳴戶兮
類寒蟬之吟家

絡車





絡車方言曰河濟之間絡謂之給郭璞註曰所以說文

云車拊

方無切

為柅易姤曰繫於金柅

柅女履切金者堅剛之物柅者制動

主之通俗文曰張絲曰柅蓋以脫軋之絲張於柅上上作

懸鉤引致緒端逗於車上其車之制必以細軸穿雙措

於車座兩柱之間

謂一柱獨高中為通槽以貫其雙軸之首一柱下而管其雙軸之末


人

既繩牽軸動則雙隨軸轉絲乃上雙此北方絡絲車也

南人但習掉簍取絲終不若絡車安且速也今宜通用

詩云軋絲張柅復相牽絡婦車成用具全座上通槽連


箕臼軸頭引隻逗繩圈一鉤通控防偏度獨縷依循入
卧纏幾向華筵曾誤認瑩篋人坐理氷絃



卧機

金匱要略

卷二十一



織機織絲具也按黃帝元妃西陵氏曰嫫祖始勸蠶稼

月大火而浴種夫人副褱而躬桑乃獻繭稱絲遂成織
紵之功因之廣織以給郊廟之服見路史傳子曰舊機

五十綜者五十躡六十綜者六十躡馬鈞者天下之名

巧也患其遺曰喪功乃易以十二躡今紅音工女織綰惟

用二躡又為簡要凡人之衣去聲被於身者皆其所自出

也王逸賦曰案此賦已經刪節織機功用大矣上自太始下訖

羲皇案今本漢王逸賦無此三句帝軒龍躍伯余是創案今本作庶業是昌俯

聖思

案今本作俯覃聖思

仰攬三光悟彼織女終日七襄

案今本無

此二句

爰制布帛始垂衣裳於是取衡山之孤桐南岳之

洪樟賸復回轉刻象乾形大庭淡泊擬則川平光為日

月蓋取昭明三軸列布上法台星兩驥齊首儼若將征


方圓綺錯極妙窮奇兔耳踰伏若安若危猛犬相守竄

身匿蹄高樓雙峙下臨清池游魚銜餌灑潏其陂鹿盧

並起織織俱垂宛若星圖屈膝推移

案今本作一來匪勞匪疲

梭



梭通俗文曰織具也所以行緯之莎

蘇戈切

藝苑曰陶侃

嘗捕魚得一梭還挿着壁有頃雷雨梭變赤龍躍去盖梭得魚之象有化龍之義焉梅聖俞詩云給給機上梭往返如度日一經復一絲成寸遂成匹虛腹銳兩端素手投未畢陶家挂壁間雷雨龍飛出

砧杵



砧杵擣練具也東宮舊事曰太子納妃有石砧一枚又

擣

亦作搗

衣杵十荊州記曰秭歸縣有屈原宅女嬃廟擣

衣石猶存蓋古之女子對立各執一杵上下擣練於砧
其丁東之聲互相應答今易作卧杵對坐搗之又便且
速易成帛也魏瓘賦云細腰杵兮木一枝女郎砧兮石
五彩聞後響而已續聽前聲而猶在夜如何其秋兮已
半於是拽魯縞攘皓腕始於搖揚終於凌亂四振五振
驚飛鴈之兩行六舉七舉過彩雲而一斷隱高閣而如

動度遙城而如散夜有露兮秋有風杵有聲兮衣可縫
佳人聽兮意何窮步逍遙於涼景暢容與於晴空黃金
釵兮碧雲髮白素巾兮青女月佳人聽兮良未歇擘長
虹而乍開凌倒景而將越是時也餘響未畢微影方流
逶迤洞房半入宵夢窈窕閑館方增客愁李都尉以胡
茄動泣向子期以鄰笛增憂古人獨感於聽今者况兼
乎秋案擣練賦此下尚
有二聯此本節去願君無按龍泉色誰道明珠不
可投


農器圖譜十九

續絮門

木棉附

續絮禦寒古今所尚然製造之法南北互有所長故特
總輯庶知通用近世以來復以木棉為助今附於後

絮車



絮車構木作架上控鉤繩滑車下置煮繭湯甕絮者掣

繩上轉滑車下徹甕內鉤繭出沒灰湯漸成絮段莊子

謂汧汧紈者

疏云汧浮也汧漂也紈絮也

古者績絮綿一也今以精

者為綿粗者為絮因蠶家退繭造絮故有此車煮之法

常民藉以禦寒次於綿也彼有擣繭為胎謂之牽縞者

較之車煮工拙懸絕矣詩云世有汧汧績架構以車名

下上輪繩滑牽聯甕烹濟貧寒可禦售業價還輕會



遇不龜手百金為爾榮

撚綿軸



撚綿軸制作小碓或木或石上插細軸長可尺許先用
叉頭挂綿左手執叉右手引綿上軸懸之撚作綿絲就
纏軸上即為紬縷閨婦室女用之可代紡績之功詩云
朶綿高執玉叉頭細作垂絲撚復收待得功成付機杼
不知誰解衣去聲新紬

綿矩



綿矩以木框方可尺餘用張繭綿是名綿矩又有揉竹而彎者南方多用之其綿外圓內空謂之猪肚綿及有用大竹筒謂之筒子綿就可改作大綿裝時未免地

池解

切折物也

製北方大小用瓦蓋各從其便然用木矩者竄為

得法酈善長水經註曰房子城西出白土細滑如膏可用濯綿霜鮮雪曜異於常綿世俗云房子之纊也抑亦類蜀郡之錦得江津矣今人張綿用藥使之膩白亦其理也但為利者因而作偽反害其真不若不用之為愈

詩云有繭盈頃筐置矩臨清溪經維由我張邊幅須爾
齊用裝身上衣輕煖衷晴霓迤邐棄牆角未可同筌蹄

木棉序

附

桑土既蠶之後唯以繭續為務殊不知木棉之為用夫
木棉產自海南諸種藝制作之法駸駸北來江淮川蜀
既獲其利至南北混一之後商販於此服被漸廣名曰

吉布又曰棉布


異物志云木棉之為布曰班布繁縟多
巧者曰城次粗者曰文縐又次粗者名

曰烏

其幅足之制特為長闊茸密輕暖可抵絳帛又為

義服毳毼足代本物按裴淵廣州記云蠻夷不蠶採木
棉為絮又諸蕃雜志云木棉吉貝木所生占城閩婆諸
國皆有之今已為中國珍貨但不自本土所產不能足
用且比之桑蠶無採養之勞有必收之效埒之桑苧免
績緝之工得禦寒之益可謂不麻而布不繭而絮雖曰
南產言其適用則北方多寒或繭績不足而裘褐之費
此最省便夫種植之法已載穀譜製造之具復列於此
庶遠近滋習助桑麻之用兼蠻夷之利將自此始矣

木棉攪車



木棉攪車木棉初採曝之陰或焙乾南州異物志班布吉貝木所生熟時狀如鳶毳細過絲綿中有核如珠玁

公後切

用之則治出其核昔用輶軸今用攪車尤便夫攪

車四木作框上立二小柱高約尺五上以方木管之立柱各通一軸軸端俱作掉拐軸末柱竅不透二人掉軸一人喂上棉英二軸相軋則子落於內棉出於外比用

輶軸工利數倍今特圖譜使民易倣


凡木棉雖多今用此法即去子得棉

不致積滯

詩云二木相摩運兩端宛如造物沒機關霜棉山

積珠論斗只在思樞柄用間

木棉彈弓 木棉捲筵



木棉彈弓以竹為之長可四尺許上一截頗長而彎下一截稍短而勁控以繩絃用彈棉英如彈毡毛法務使結者開實者虛假其功用非弓不可詩云主射由來穀此弓豈知弦法有他功却將一掬香棉朵彈作晴雲滿座中

木棉捲筵

徒丁切

淮民用蜀黍梢莖取其長而滑

今他處多用無節竹條代之其法先將棉毳條於几上以此筵捲而扞之遂成棉筒隨手抽筵每筒牽紡易為勻細皆捲筵之效也詩云折得脩筵捲毳茸就憑瑩滑


脫圓筒作棉匠具雖多巧獨有天然造物功

木棉紡車




木棉紡車其制比麻苧紡車頗小夫輪動弦轉苧維隨
之紡人左手握其棉筒不過二三續於苧維牽引漸長
右手均撚俱成緊去聲縷就繞維上欲作線織置車在左
再將兩維棉絲合紡可為線棉南州異物志曰吉貝木
熟時狀如鷺毳但紡不績在意小抽牽引無有斷絕此
即紡車之用也詩云苧維隨輪共一弦車頭霜縷入周
旋已知單緊去聲勻堪愛更欲雙聯作線棉

木棉揀車




木棉撥車其制頗肖麻苧蟠車但以竹為之方圓不等
特更輕便按舊說先將紡訖棉絀於稀糊盆內度過稍
乾然後將棉絀頭縷撥於車上遂成棉絀詩云造形隨
意作方圓終日悠悠聽撥旋待爾絀成足經緯却教機
杼得功全



木棉軋床

木棉輶床其制如所坐交椅但下空一輶四股輶軸之
末置一掉枝上椅豎列八維下引棉絲動轉掉枝分絡
輶上絲紐既成次第脫却比之撥車日得八倍始出閩
建今欲傳之他方同趨省便詩云八維棉絲絡一輶巧
憑坐椅作輶床試將觸類深思索麻苧鄉中用亦良

木棉線架



木棉線架以木為之下作方座長濶尺餘卧列四維座上鑿置獨柱高可二尺餘柱下橫木長可二尺用竹蔑均列四彎內引下座四維紡於車上即成棉線舊法先將此維絡於簾上然後紡合今得此制甚為速妙詩云絲牽卧維上拘聯雙縷俱成合線棉便向車頭施捷巧紡人特喜勝於先

木棉總具

木棉總具其法自撥車軋床棉絰既成用漿糊煮過仍

以木杖兩端掣之日曬不時手搓乾濕得所絡於簾上
而後經緯制度一倣紬類織經機杼並與布同詩云棉
絲經絡比紬工織經機張與布同既可為衣代紬布便
知器用兩相通



農書卷二十一

欽定四庫全書

子部

農書卷二十二

詳校官中書

臣

竇汝翼

編修臣倉聖脈覆勘

騰錄監生呂董 誠

繪圖騰錄監生俞 榕

欽定四庫全書

農書卷二十二


元 王禎 撰

農器圖譜二十

麻苧門

麻苧之有用具南北不無異同民俗豈能通變如南人不解刈麻北人不知治苧及有漚浸審生熟之節車紡分大小之工凡締紵繩綆皆其所出今并所附類一一條列庶使南北互相為法云

漚池



漚烏侯切池漚浸漬也池猶泓也詩云東門之池可以漚

麻凡藝麻之鄉如無水處則當掘地成池或甃以磚石蓄水于內用作漚所齊民要術云漚欲清水生熟合宜注說云濁水則麻黑水少則麻脆生則難剝太爛則不任此漚法也汜勝之書曰夏至後二十日漚泉泉和如絲大凡北方治麻刈倒即策之卧置池內水要寒煖得宜麻亦生熟有節湏人體測得法則麻皮潔白柔靱可績細布南方但連根拔麻遇用則旋浸旋剝其麻片黃

皮粗厚不任細績雖南北習尚不同然北方隨刈即漚于池可為上法又詩云東門之池可以漚苧以此知苧亦可漚問之南方造苧者謂苧性本難輒與漚麻不同必先績苧已紡成纊乃用乾石灰拌和累日

夏天三日
冬天五日

春秋約中

既畢抖去別用石灰煮熟待冷于清水中濯淨然


後用蘆簾平鋪水面

如水遠則用大盆盛水鋪簾或草攤纊浸曝每日換水亦可

纊于上半浸半曬遇夜收起漚乾次日如前候纊極白方可起布此治苧池漚之法須假水浴日曝而成北人

未之省也今錄之冀南北通用竊讀孟子所謂江漢以濯之秋陽以暴之皜皜乎不可尚已今漚芻雖曰小技亦此理歟詩曰解變常麻作雪衣詩云麻衣如雪好將漚法教民知若憑地利江南易是處人家近水湄

刈刀 亭刮刀



刈刀穫麻及也或作兩及但用鑣桐

似咨切


旋插其及俯

身控刈取其平穩便易北方種麻頗多或至連頃另有
刀工各具其器割刈根莖剗削梢葉甚為速效齊民要
術曰麻勃如灰便刈葉欲小穗欲薄穫欲淨此刈麻法
也南方惟用拔取頗費工力故錄於此示其便也詩云
森森麻榦覆陰濃頃畝方期一捲空說似吳儂初未信
中原隨地有刀工 苧刮刀刮苧皮及也煨鐵為之長
三寸許捲成小槽內插短柄兩及向上以鉞為用仰置

手中將所剥芋皮橫覆及上以大指就按刮之芋膚即
蛻農桑輯要云芋刈倒時用手剥下皮以刀刮之其浮
皺七句切自去又曰芋剥取其皮以竹刮其表厚處自脫

得裡如筋者煮之用績今制為兩及鐵刀尤便于用詩
云刮芋由來要愈工柄頭雙及就為釜形模外若無他
伎掌握中能効此功捲去膚皺見精粹退餘梗澁得輕
鬆作麻已付金釵績更為珍藏用不窮

績
蠶




績簞

去中切


盛麻績器也績集韻云緝也簞說文曰籠也

又姑簞也字從竹或以條莖編之用則一也大小深淺隨其所宜制之麻苧蕉葛等為之締綌皆本于此有日用生財之道也詩云績麻如之何以器為縈蟠初認飛霰落次若層雲屯功成在良筌日新等銘槃詩人有深刺勿倣南方原

小紡車



大紡車



小紡車

紡妃
兩切

此車之制凡麻苧之鄉在在有之前圖具

陳茲不復述隋書鄭善果母清河崔氏恒自紡績善果

曰母何自勤如是耶荅曰紡績婦人之務上自王后下

至大夫妻各有所製若惰業者是為驕逸吾雖不知禮

其可自敗名乎今士大夫妻妾衣

去聲

被纖美曾不知紡

績之事聞此鄭母之言當自悟也詩云窻間荆布踏車

人紡具維持總一身旋績纏綿分衆縷各隨苧維轉

上聲

孤輪無窮運用資生業不礙繁喧徹近隣從此輸功到

機杼年年絺綌為誰新 大紡車其制長餘二丈闊約

五尺先造地柁木框四角立柱各高五尺中穿橫枕上

架枋木其枋木兩頭山口卧受捲纏長軋鐵軸次于前

地柁上立長木座座上列臼以承軋底鐵箕

夫軋用木車成筭子

長一尺二寸圓一尺二寸計三十二枚內受績纏

軋上俱用杖頭鐵環以拘軋

軸又于額枋前排置小鐵叉分勒績條轉

上聲

長軋仍

就左右別架車輪兩座通絡皮弦下經列軋上撈轉軋

旋鼓或人或畜轉

上聲

動左邊大輪弦隨輪轉眾機皆動

上下相應緩急相宜遂使績條成緊

去聲

纏于軋上晝夜

紡績百斤或衆家績多乃集于車下秤績分纁不勞可
畢中原麻布之鄉皆用之今特圖其制度欲使他方之
民視此機括闕捷倣倣成造可為普利又新置絲線紡
車一如上但差小耳比之露地桁架合線特為省易因
附于此詩云大小車輪共一絃一輪才動各相連續隨
衆轆方齊轉

上聲

纁上長軋却自纏可代女工兼倍省要


供布縷未征前畫圖中土規模在更欲他方得共傳

蟠車




蟠車纏纏具也又謂之撥車南人謂撥柎又云車柎南
北人皆慣用習見已圖于前茲不必述詩云績紡功才
畢蟠纏得此車行枕運樞臬交輳寄橫叉宛轉荆釵手
周旋里布家豈知羅綺輩惟務撥琵琶

纏刷



纊刷疏布縷器也束草根為之通柄長可尺許圍可尺
餘其纊縷杼軸既畢架以义木下用重物掣之纊縷已
均布者以手執此就加漿糊順下刷之即增光澤可授
機織此造布之內雖曰細具然不可闕詩云績麻經紡
即為纊功用都歸一刷餘纊與機頭借光潤已聞催布
有征胥

布機



布機釋名曰布列諸縷淮南子曰伯余之初作衣也

伯余

黃帝綖他甘臣也切

麻索縷手經指挂

案淮南子此句下有後其成猶網羅一句

世為之機杼幅匹廣長踈密之制存焉農家春秋績織

最為要具詩云誰家績紡成札札弄機杼大布可以衣

絺縠安用許哀彼度梭人辛苦織如霧坐令鄉落間長

歌二東句 行臺監察御史詹雲卿造布之法印行今

抄附于此 毛絕布法揀一色白苧麻水潤分成縷粗


細任意旋緝旋搓本俗于腿上搓作纊逗成鋪不必車

紡亦勿熟漚只經生纊論帖穿苧如常法以發過稀糊
調細豆麵刷過更用油水刷之于天氣濕潤時不透風
處或地窖子中洒地令潤經織為佳若風日高燥則纊
縷乾脆難織每織必先以油水潤苧及潤纊經織成生
布于好灰水中浸蘸煦乾再蘸再煦如此二日不得揉
搓再蘸濕了於乾灰內周徧滲浥兩時久納于熱灰水
內浸濕於甌中蒸之文武火養二三日頻頻翻覩要識
灰性及火候緊慢次用淨水澣濯天晴再三帶水搭煦

如前不計次數惟以潔白為度灰湏上等白者落黎桑
柴豆稽等灰入少許炭灰妙 鐵勒布法將揀下襍色
苧麻水潤分縷隨緝隨搓經織皆如前法水煮過便是
先將生苧麻折作二尺五寸長不斷照乾蒸過帶濕剥
下去粗皮如常法水潤緝搓如前 麻鐵黎布法將襍
色老火麻帶濕曲折作二尺五寸長照乾收之欲用時
旋于木甑中蒸過趁濕剥下照乾以木楔子兩個夾麻
順歷數次至麻性頗軟堪緝為度水潤緝績紡作縷生

織成布水煮便是此布妙處唯在不搓揉了麻之骨力
好灰水蘸熨布子潔白而已雖曰蘸熨頗煩而省纏縈
熟纏等工亦多比之南布或有價高數倍者真良法也
鏤板印布與存心治生君子共之

經車



經車續麻

泉想里切

經

俗寫作麻

經廣韻並無此字

緊去聲

具也造作箕虞箕思尹切高二尺上穿橫軸長可二尺


餘貫以輶轂左手引麻牽輶既轉右手續接麻皮成緊

去聲縱纏輶上經縷既盈乃脫輶付之繩車或作別用詩

云形如糾篋却輕便輶平聲麻縷牽來日萬旋料得經成付

它具作繩功力已居先

繩車



繩車絞合


古沓切

經緊作繩也其車之制先立箕虞一座

植木止之箕上加置橫板一片長可五尺闊可四寸橫板中間排鑿八竅或六竅各竅內置掉枝或鐵或木皆彎如牛角又作橫木一莖列竅穿其掉枝復別作一車亦如上法兩車相對約量遠近將所成經緊去聲各結于兩車掉枝之足車首各一人將掉枝所穿橫木俱各攬轉候經股勻緊却將三股或四股撮而為一各結于掉枝一足計成二繩然後將另制爪木置于所合入聲經緊

之首復攪其掉枝使絰緊成繩爪木自行繩盡乃止凡
農事中用繩頗多故田家習制此具遂列于農譜之內
詩云車頭絰縷各牽連紕索初因匠手傳一緊去聲續來
通似脉兩端相掣直如弦機憑裊掉供旋轉股入行爪
作緊圓資爾屈伸功用畢莫將良器等忘筌

紐車旋椎



紐車

紐尼隣切

繩繩器也通俗文曰單繩曰紐揉木作捲中

貫軸柄長可尺餘以捲之上角用單麻皮右手執柄轉

上聲

之左手績麻股既成緊去聲則纏于捲上或隨繩車用

之以助紂絞紐緊去聲又農家用作經織麻屨牛衣簾箔

去聲

等物此紐車復有大小之分也詩云身惟軸柄首惟捲

麻縷紐來儘自纏簾箔織餘仍有用牛衣經緯輦于毯

旋

平聲

推掉麻絞具也截木長可六寸頭徑三寸許兩

間斫細樣如腰鼓中作小竅插一鈎箕長可四寸用繫

麻皮于下以左手懸之右手撥旋麻既成緊去聲就纏推


上餘麻挽于鉤內復續之如前所成經緯可作羸布亦

可織履農隙時老稚皆能作此雖係瑣細之具然於貧

民不為無補故繫于此詩云鉤椎高挈作懸虛麻緊去聲

成來布有纏近喜鄉人更他用却旋毛縷造氍毹

耕索呼鞭



耕索牛所輓繩也古名絢牛索也爾雅曰絢絞也謂糾絞繩索也詩云宵爾索絢郭注云絢繩之別名方言曰車紂自關而東謂之緹或謂之曲絢或謂之曲綸自關而西謂之紂農家紐麻合古齋切之以輓耕犁按舊說遼

東犂轆長可四尺回轉相妨今秦晉之地亦用長轆犂其轆端橫木如古車之制以駕二牛然平田則可至於山隈水曲轉折費力如山東及淮漢等處用三牛四牛大小不等高下不齊既難並駕動作之間終不若用索

之便也詩云農家藝麻枲耕繩皆自縑槩輓憑後先牛

力利回轉卷去跡若藏伸來力還展或者駕長轅彊去聲

直殊未善呼鞭驅牛具也字從革從便曰策曰靽曰

靽脩則成之春秋傳云鞭長不及馬腹此御車鞭也今


牛鞭犁後用亦如之農家紉麻合鞭鞭有鳴靽人則以

聲相去聲之用警牛行不專于撻世云呼鞭即其義也詩

云何物耕牛服並驅長鞭輕裊配歌呼寄聲莫作鳴靽

急飼養曾添宿料無

牛衣




牛衣顏師古曰編亂麻為之即今呼為韃具者前漢王
章傳嘗卧牛衣中晉書劉寔好學少貧苦口誦手繩賣
牛衣以自給據牛之有衣舊矣以此見古人重畜不忘
農之本故也今牧養中唯牛毛疎最不耐寒每近冬月
皆宜以冗麻續作絰去聲緊去聲編織毳段衣去聲之如襦市主切
褐然以禦寒冽不然必有凍慄之患農耕之家不可不
預為儲備王荊公詩云百獸冬自煖獨牛無氄毛無衣
與卒歲坐恐得空牢主人覆護恩豈啻一綈袍問汝何

以報稿稿滿東臯

案農務集作
泰離滿東臯

法製長生屋



法製長生屋天生五材民並用之而水火皆能為災火之為災尤其暴者也春秋左氏傳曰天火曰災人火曰火夫古之火正或食于心或食于味味為鶉火心為大火天火之孽雖曰氣運所感亦必假于人火而後作焉人之飲食非火不成人之寢處非火不明人火之孽失于不慎始于毫髮終于延綿且火得木而生得水而熄至土而盡故木者火之母人之居室皆資于木易于生患水者火之牡而足以勝火人皆知之土者水之子而

足以禦火而人未之知也水者救于已然之後土者禦于未然之前救于已然之後者難為功禦于未然之前者易為力此曲突徙薪之謀所以愈于焦頭爛額之功也吾嘗觀古人救火之術宋災樂喜為政使伯氏司里火所未至撤小屋塗大屋陳畚揭具綆缶備水器蓄水潦積土塗表大道此救療之法也鄭災公孫僑為政郊人助園史除于國北禳火于元冥回祿祈于四鄰此祈禳之法也是皆救于已然之後嘗見往年腹裏諸郡所

居瓦屋則用磚裏松簷草屋則用泥圻上下既防延燒且易救護又有別置府藏外護磚泥謂之土庫火不能入竊以此推之凡農家居屋厨屋盤屋倉屋牛屋皆宜以法製泥土為用先宜選用壯大材木締構既成椽上鋪板板上傳泥泥上用法製油灰泥塗飾待日曝乾堅如瓷石可以代瓦凡屋中內外材木露者與夫門窗壁堵通用法製灰泥圻墁之務要勻厚固密勿有罅隙可免焚燬之患名曰法製長生屋是乃禦於未然之前誠

為長策又豈特農家所宜哉今之高堂大廈危樓傑閣所以居珍寶而奉身體者誠為不貲一旦患生於不測釁起于微眇轉盼搖足化為煨燼之區瓦礫之場千金之軀亦或不保良可哀憫平居暇日誠能依此製造不惟歷劫火而不壞亦可防風雨而不朽至若闌闌之市居民輳集雖不能盡依此法其間或有一焉亦可以間隔火道不至延燒安可惜一時之費而不為永久萬全之計哉贊曰上棟下宇從古而然衣食之利農家攸先

維彼倉廩食之所寄維彼蠶室衣之所繫矧茲居室于
焉寢處一有遺燎化為焦土嗟爾農夫豫戒不虞製泥
和灰是墁是塗何畏畢方何愁回祿棟宇恒存衣食恒
足匪直農家此策是宜凡百居宅可倣作之 法製灰

泥用磚屑為末白善泥桐油枯


如無桐油枯以油代之

草炭石灰

糯米膠以前五件等分為末將糯米膠調和得所地面
為磚則用磚模脫出趁濕于良平地面上用泥墁成一
片半年乾硬如石磚然巧墁屋宇則加紙筋和勻用之

不致折裂塗飾材木上用帶筋石灰如材木光處則用
小竹釘簪麻鬚惹泥不致脫落

活字板韻輪圖



造活字印書法伏羲氏畫卦造契以代結繩之政而文

籍生焉

注云書字于木刻其側以爲契各持其一以相考合

黃帝時倉頡視鳥跡

以爲篆文即古文科斗書也周宣王時史籀變科斗而爲大篆秦李斯損益之而爲小篆程邈省篆而爲隸由隸而楷由楷而草則又漢魏間諸賢變體之作此書法之大概也或書之竹謂之竹簡或書于繡帛謂之帛書厥後文籍寔廣繡貴而簡重不便于用又爲之紙故字從中按前漢皇后紀已有赫蹠紙至後漢蔡倫以木屑

麻頭敝布魚網造紙稱為蔡倫紙而文籍資之以為卷軸取其易于卷舒目之曰卷然皆寫本學者艱于傳錄故人以藏書為貴五代唐明宗長興二年宰相馮道李愚請令判國子監田敏校正九經刻板印賣朝廷從之鋟梓之法其本于此因是天下書籍遂廣然而板木工匠所費甚多至有一書字板功力不及數載難成雖有可傳之書人皆憚其工費不能印造傳播後世有人別生巧技以鐵為印盛界行內用稀瀝青澆滿冷定取平

火上再行煨化以燒熟瓦字排于行內作活字印板為其不便又有以泥為盛界行內用薄泥將燒熟瓦字排之再入窰內燒為一段亦可為活字板印之近世又有鑄錫作字以鐵條貫之作行嵌于盛內界行印書但上項字樣難于使墨率多印壞所以不能久行今又有巧便之法造板木作印盛削竹片為行雕板木為字用小細鋸鏤開各作一字用小刀四面修之比試大小高低一同然後排字作行削成竹片夾之盛字既滿用木摺

撮

先結切

之使堅牢字皆不動然後用墨刷印之

寫韻

刻字法先照監韻內可用字數分為上下平上去入五聲各分韻頭校勘字樣抄寫完備擇能書人取活字樣製大小寫出各門字樣糊于板上命工刊刻稍留界路以憑鋸截又有如助辭之乎者也字及數目字并尋常可用字樣各分為一門多刻字數約有三萬餘字寫畢一如前法今載立號監韻活字板式于後其餘五聲韻字俱要做此 一東通侗恫桐同全童僮瞳腫銅峒

史記卷一百一十五

庸墉銘鄺鏞封封逢傭恭共供龔育凶凶洵訕訕楚邕
唯雍雖灘癰饗壘顛喝罌卽筇荃 四江扛扛缸缸
缸腔控降腔缸瓠瓠泮缸缸邦龐尢虎吮雙艘艘龍腮
憲肉鍛樁恣幢 五支枝肢卮扼舫氏楮楮提祇祇祇
祇祇祇砥跂施施銳鉈醜廝麓襪吹歛炊差衰匙翅垂
陞倭睡兒痿斯祈漸漸虎褫雌貲髭背疵訾玼荷隨遺
隋知搞螭螭馳池卽荒褫鍾鍾槌槌槌離離蠶剌黎
麗襍纚纚離離醺漓漓離離鸛鸛鸛鸛梨梨梨梨來來來來

釐釐發聲狸狸靈羸鉞被波羅碑卑痺裨鉀鉀裨卑
鞞皮疲罷 鏤字修字法將刻訖板木上字樣用細齒
小鋸每字四方鏤下盛于筐筥器內每字令人用小裁
刀修理齊整先立準則於準則內試大小高低一同然
後另貯別器 作盛嵌字法于元寫監韻各門字數嵌
於木盛內用竹片行行夾住擺滿用木楯輕搨之排於
輪上依前分作五聲用大字標記 造輪法用輕木造
為大輪其輪盤徑可七尺輪軸高可三尺許用大木砧

鑿竅上作橫架中貫輪軸下有鑽臼立轉輪盤以圓竹
筩鋪之上置活字板面各依號數上下相次鋪擺凡置
輪兩面一輪置監韻板面一輪置雜字板面一人中坐
左右俱可推轉摘字蓋以人尋字則難以字就人則易
此轉輪之法不勞力而坐致字數取訖又可補還韻內
兩得便也 取字法將元寫監韻另寫一冊編成字號
每面各行各字俱計號數與輪上門類相同一人執韻
依號數喝字一人於輪上元布輪字板內取摘字隻嵌

於所印書板盛內如有字韻內別無隨手令刊匠添補
疾得完備 作盛安字刷印法用平直乾板一片量書
面大小四圍作欄右邊空候擺滿盛面右邊安置界欄
以木搨搨之界行內字樣湏要個個修理平正先用刀
削下諸樣小竹片以別器盛貯如有低邪隨字形襯荒
徒念切搨之至字體平穩然後刷印之又以搨刷順界行
豎直刷之不可橫刷印紙亦用搨刷順界行刷之此用
活字板之定法也 前任宣州旌德縣縣尹時方撰農

書因字數甚多難於刊印故尚已意命匠創活字二年而工畢試印本縣志書約計六萬餘字不一月而百部齊成一如刊板便知其可用後二年予遷任信州永豐縣繫而之官是農書方成欲以活字嵌印今知江西見行命工刊板故且收貯以待別用然古今此法未有所傳故編錄于此以待世之好事者為印書省便之法傳於永久本為農書而作因附于後

農書卷二十二